

Stjórnkerfi (/stjornkerfi) > Fundargerðir (/fundargerdir)

Fundur nr. 5551

Hlusta

(/facebook)

(/twitter)

(/google_plus)

BORGARRÁÐ

Ár 2019, fimmtudaginn 18. júlí, var haldinn 5551. fundur borgarráðs. Fundurinn var haldinn í Ráðhúsi Reykjavíkur og hófst kl. 09:03. Viðstödd voru auk borgarstjóra; Líf Magneudóttir, Heiða Björg Hilmisdóttir, Pawel Bartoszek, Sigurborg Ósk Haraldsdóttir, Eyþór Laxdal Arnalds, Hildur Björnsdóttir og Valgerður Sigurðardóttir. Einnig sátu fundinn áheyrnarfulltrúarnir Sanna Magdalena Mörtudóttir, Vigdís Hauksdóttir og Kolbrún Baldursdóttir. Eftirtaldir embættismenn og aðrir starfsmenn sátu fundinn: Ebba Schram og Linda Sif Sigurðardóttir.

Fundarritari var Bjarni Þóroddsson.

Þetta gerðist:

1. Lögð fram fundargerð innkauparáðs frá 4. júlí 2019. R19010016

Fylgigögn

 [Fundargerð innkauparáðs frá 4. júlí 2019 \(https://fundur.reykjavik.is/sites/default/files/agenda-items/1_innkauparad_0407.pdf\)](https://fundur.reykjavik.is/sites/default/files/agenda-items/1_innkauparad_0407.pdf)

2. Lagðar fram fundargerðir stjórnar Strætó bs. frá 21. og 26. júní 2019. R19010028


Áheyrnarfulltrúi Sósíalístaflokks Íslands leggur fram svohljóðandi bókun:

Það er jákvætt að sjá að unnið sé að því að leysa hluta af vandræðum á leið 5 vegna umferðartafa á háannatíma frá Nauthól að BSÍ. Stjórn strætó bs. leggur til að skipta leið 5 upp í tvær leiðir á virkum dögum frá og með haustinu 2019, leið 5 myndi þá aka hefðbundna leið úr Norðlingaholti/Árbæ en enda á BSÍ og ný leið, leið 8 myndi aka frá BSÍ að Nauthól. Þá óskar stjórn Strætó bs. jafnframt eftir því að rýnt verði með hagaðilum á svæðinu hvernig hægt sé að leysa umferðartafirnar til framtíðar með öðrum mótvægisáðgerðum. Fulltrúi Sósíalístaflokksins gerir sér grein fyrir því að þessar breytingar eru að öllum líkindum komnar fram vegna ábendinga farþega og vagnstjóra en leggur áherslu á mikilvægi þess að útfæra leiðakerfisbreytingar með notendum strætó, sérstaklega með þeim sem ferðast reglulega með þessum vagni. Þannig má tryggja að ekkert komi strætófarþegum á óvart og að tillagan sé útfærð sem best með þeim sem eiga í hlut. Tillagan var sett á vef Strætó en það væri jákvætt að sjá tillögur að breytingum gerðar sýnilegri áður en þær koma til framkvæmda, þannig að strætófarþegar geti bent á hvort eitthvað við tillöguna megi betur fara.

Áheyrnarfulltrúi Flokks fólksins leggur fram svohljóðandi bókun undir 3. lið fundargerðarinnar:

Undir lið 3 í fundargerð Strætó bs., dags. 21.6.2019, segir að stjórn hafi fundað með samstarfssveitarstjórnnum sem standa að Strætó og kynnt niðurstöður stefnumótunarvinnu. Áfram á að halda kynningum þar til öll sveitafélög hafa verið heimsótt. Borgarfulltrúa finnst þessi aðferð hljóti að vera æði tímafrek og dýr. Það blasir við að Strætó bs. verður að fara endurnýja og nútímavæða sig sem þjónustufyrirtæki til að það verði ekki úrelt ef tekið er mið af almenningssamgöngukerfi í borgum sem við berum okkur við. Það verður því að fara að spýta í lófana.

Borgarráðsfulltrúar Samfylkingarinnar, Viðreisnar, Pírata og Vinstri grænna leggja fram svohljóðandi gagnbókun við bókun áheyrnarfulltrúa Flokks fólksins:

Vantar þig aðstoð? 

Fylgigögn

[Bréf umhverfis- og skipulagssviðs \(https://fundur.reykjavik.is/sites/default/files/agenda-items/12_grar_dagur_-_vidbragdsaaetlun_vid_grunn-og_leikskola_a_hofudborgarsvaedi.pdf\)](https://fundur.reykjavik.is/sites/default/files/agenda-items/12_grar_dagur_-_vidbragdsaaetlun_vid_grunn-og_leikskola_a_hofudborgarsvaedi.pdf)

11. Lagt fram bréf umhverfis- og skipulagssviðs, dags. 4. júlí 2019, sbr. samþykkt skipulags- og samgönguráðs, frá. 3. júlí 2019, á tillögu að breytingu á deiliskipulagi fyrir Freyjubrunn 23, ásamt fylgiskjölum. R18030129

Samþykkt.

Áheyrnarfulltrúi Miðflokksins leggur fram svohljóðandi bókun:

Miðflokkurinn hefur á fyrri stigum málsins bókað að afar óheppilegt sé, að téð umsókn um breytingu deiliskipulags og útgáfa nýs byggingaleyfis þar sem íbúðum er fjölgað úr 5 í 8 o.fl. sé yfirhöfuð tekin til meðferðar meðan mál vegna áður útgefins byggingaleyfis er til meðferðar hjá úrskurðarnefnd umhverfis- og auðlindamála. Mógulega neikvæður úrskurður ÚUA yrði þannig marklaus. Ljóst er að mistök voru gerð við útgáfu byggingaleyfis á sínum tíma og á það var bent af íbúum. Mistök eru partur af lífinu, hvernig unnið er úr þeim skiptir öllu máli. Rétt viðbrögð hefðu verið að draga til baka áður útgefið byggingaleyfi, harma mistökin og láta gildandi deiliskipulag halda sér. Það var ekki gert. Þess í stað var farið í þá vegferð að breyta deiliskipulagi og athugasemdir íbúa þannig virtar að vettugi. Að teknu tilliti til forsögunnar leggst Miðflokkurinn alfarið gegn afgreiðslu málsins. Mistök borgarinnar eiga aldrei að vera á kostnað íbúa.

Ólöf Örvarsdóttir tekur sæti á fundinum undir þessum lið.

Fylgigögn

[Bréf umhverfis- og skipulagssviðs \(https://fundur.reykjavik.is/sites/default/files/agenda-items/11_freyjubrunnur_23_bref_og_gogn.pdf\)](https://fundur.reykjavik.is/sites/default/files/agenda-items/11_freyjubrunnur_23_bref_og_gogn.pdf)

12. Lagt fram bréf umhverfis- og skipulagssviðs, dags. 4. júlí 2019, sbr. samþykkt skipulags- og samgönguráðs frá 3. júlí 2019 á tillögu að breytingu á deiliskipulagi Köllunarkletts vegna lóðar að Héðinsgötu 8, ásamt fylgiskjölum. R19010209

Samþykkt með fjórum atkvæðum borgarráðsfulltrúa Samfylkingarinnar, Viðreisnar, Pírata og Vinstri grænna gegn þremur atkvæðum borgarráðsfulltrúa Sjálfstæðisflokksins.

Borgarráðsfulltrúar Samfylkingar, Viðreisnar, Pírata og Vinstri grænna leggja fram svohljóðandi bókun:

Fulltrúar Samfylkingar, Viðreisnar, Pírata, Vinstri grænna styðja eindregið uppbyggingu smáhýsa fyrir heimilislausa einstaklinga sem margir hverjir búa við fjölþættan vanda. Eins og fram kemur í umsögn velferðarsviðs Reykjavíkurborgar þá eru þetta úrræði sem geta skipt sköpum og aukið líkur á bata fyrir heimilislaustr fólki. Vegur þar þyngst virk nærþjónusta og nálægð við fjölbreytt meðferðarúrræði. Velferðarsvið Reykjavíkurborgar hefur þegar fundað með Draumasetrinu varðandi fyrirhuguð smáhýsi og þá verður einnig haft samráð við Al-anon klúbbinn eins og kemur fram í kynningu frá forsvarsmönnum sviðsins. Mörg dæmi eru um það í borginni að heimili fólks með fjölþættan vanda séu í nálægð við úrræði fyrir fólk í bata og hefur það reynst vel.

Borgarráðsfulltrúar Sjálfstæðisflokksins leggja fram svohljóðandi bókun:

Fulltrúar Sjálfstæðisflokksins hafa lagt áherslu á búsetuúrræði til lengri og skemmri tíma. Þessi úrræði eru mikilvæg, enda hefur fjöldi heimilslausra tvöfaldast á fáum árum. Hér hafa komið fram sterk andmæli frá aðilum sem eru að vinna í bataferli og er vert að virða sjónarmið þeirra. Þá er nauðsynlegt að heimildin sé til fyrirfram skilgreinds tíma þar sem búseta er óheimil samkvæmt aðalskipulagi.

Áheyrnarfulltrúi Miðflokksins leggur fram svohljóðandi bókun:

Fulltrúi Miðflokksins mótmælir harðlega samþykkt deiliskipulagsbreytingar vegna Héðinsgötu 8 í ljósi þeirra athugasemda sem bárust við auglýsingu breytingar. Lítum nánar á tvær þeirra athugasemda sem bárust: Draumasetrið, nálægð, 30 metrar: Síðastliðin 6 ár hefur líknarfélag rekið áfangaheimilið Draumasetrið fyrir 42 sálir að Héðinsgötu 10 með samþykki borgarráðs og skipulagsyfirvalda Reykjavíkur og Faxaflóahafna. Íbúar hússins er undantekningarlaust fólk sem er í bataferli eftir að hafa verið í neyslu áfengis og fíkniefna og koma flestir frá SÁÁ, Hlaðgerðarkoti, Krísuvík og fangelsum. Allt er gert til að íbúum líði sem best, með miklu aðhaldi, ströngum reglum, fundum og hjálp til að komast aftur til betra lífs. Alanó, nálægð, 10 metrar: Alanó rekur líknarfélag við Héðinsgötu 1-3 þar sem starfræktar eru yfir 50 12 spora deildir AA samtakanna. Varlega áætlað sækja 250-500 manns þessa þjónustu daglega og er stór hluti þeirra nýliðar sem eru að stíga fyrstu og erfiðustu skrefin að nýju lífi án áfengis og fíkniefna. Samantekt: Það frábæra starf sem Draumasetrið og Alanó hafa staðið fyrir í fjölda ára er sett í algjört uppnám þar sem ein stærsta forsenda bata alkahólista og fíkla er að slíta með öllu samgangi við neyslustaði og þá sem eru í neyslu. Að setja bata þúsunda í hættu fyrir úrræði fyrir 5 einstaklinga er glapræði.

Ólóf Örvarsdóttir tekur sæti á fundinum undir þessum lið.

Fylgigögn

[Bréf umhverfis- og skipulagssviðs \(https://fundur.reykjavik.is/sites/default/files/agenda-items/14_hedinsgata_8_bref_og_gogn.pdf\)](https://fundur.reykjavik.is/sites/default/files/agenda-items/14_hedinsgata_8_bref_og_gogn.pdf)

13. Lagt fram bréf umhverfis- og skipulagssviðs, dags. 4. júlí 2019, sbr. samþykkt skipulags- og samgönguráðs frá 3. júlí 2019 á svari skipulagsfulltrúa, dags. 28. júní 2019, við athugasemdum Skipulagsstofnunar við tillögu að breytingu á deiliskipulagi Héðinsreits, ásamt fylgiskjölum. R19010210
Samþykkt.

Ólóf Örvarsdóttir tekur sæti á fundinum undir þessum lið.

Fylgigögn

[Bréf umhverfis- og skipulagssviðs \(https://fundur.reykjavik.is/sites/default/files/agenda-items/15_hedinsreitur_reitur_1.130.1_bref_og_gogn.pdf\)](https://fundur.reykjavik.is/sites/default/files/agenda-items/15_hedinsreitur_reitur_1.130.1_bref_og_gogn.pdf)

14. Lagt fram bréf umhverfis- og skipulagssviðs, dags. 4. júlí 2019, sbr. samþykkt skipulags- og samgönguráðs frá 3. júlí 2019 á auglýsingu á tillögu að lýsingu fyrir deiliskipulag Laugavegar sem göngugötu, ásamt fylgiskjölum. R19070069

Lögð fram svohljóðandi málsmeðferðartillaga áheyrnarfulltrúa Flokks fólksins:

Áheyrnarfulltrúi Flokks fólksins leggur til að þessum lið um skipulagslýsingu verði frestað. Hér er verið að afgreiða breytingu á skipulagslýsingu sem er undanfari lokunar Laugavegar varanlega. Þetta á að gera þrátt fyrir hávær mótmæli en 230 rekstraraðilar hafa skilað inn undirskriftum. Óskir Öryrkjabandalags Íslands og Sjálfsbjargar hafa einnig verið hunsaðar, þrátt fyrir bókun sl. haust um að fundað yrði með þeim um algilda hönnun. Öryrkjabandalags Íslands hitti arkitekt, sem hefur ekkert pólitískt vald. Enda þótt þessum aðilum hafi e.t.v. verið leyft að tjá sig um málið hefur ekkert verið hlustað á þeirra sjónarmið og rök. Niðurstöður könnunar Zenter rannsóknna sýna einnig megna óánægju meirihuta rekstraraðila og borgarbúa nema ákveðins hóps. Farið er fram á að það verði rætt við öll þessi félög og samtök og að tekið verði tillit til þeirra forsendna og þarfa áður en haldið er áfram með þetta mál. Ný lög eru skýr á að heimila handhöfum P-korta fyrir hreyfihamlaða að keyra á vélknúnum ökutækjum í göngugötum og leggja þar. Varla ætlar borgin að brjóta lög. Það er ekki tímabært að afgreiða skipulagslýsingu núna. Almennt séð er aðgengi hreyfihamlaðra að miðborginni afar slæmt. Bílastæði fyrir hreyfihamlaða af skorum skammti og aðgengi að lokuðum götum mjög erfitt. Reyndin er að fyrirtæki flýja nú bæinn og fólk er farið að forðast hann.

Málsmeðferðartillagan er felld með fjórum atkvæðum borgarráðsfulltrúa Samfylkingarinnar, Viðreisnar, Pírata og Vinstri grænna. Borgarráðsfulltrúar Sjálfstæðisflokksins sitja hjá við afgreiðslu málsins.

Erindið er samþykkt.

Vantar þig aðstoð? **i**